

& pdest adhuc cōtinua admonitio Magnifici & Clarissimi uiri D.D. Leonardi ab Eck in Vuolffs etc. illustrissimi Principis Boiariæ Vuilhelmi ab int̄mis consilijs, summi patroni Vniuersitatis huius, & studiosorum omniū Mēcēnatis lōge benignissimi, qui me perpetuō urgere solet, ut Gymnasij huius honorem & incrementum adiuuem, atq; cōmunem studiosorum utilitatem promoueam, quod ipse uel eō etiam libentius facio, quo tanto uiro paream. quum & ipse sciam, nemini uel tam praeclarum natura ingenium, uel eam contigisse fœlicitatem, ut potuerit ermergere, nisi illi præter materiam & occasionem, quæ mihi affatim suppeditat, fautor etiam accesserit et patronus. Ne vero uideremur nostra tantum uelle ingerere & proponere, neglecto laudabili illa, atq; in eruendis & explicandis disciplinis diligentissima antiquitate, endamus autorem non tam uetusstate quam eruditione & exquisita doctrina commendatissimum GEBRVM Arabis, cuius libros nouem de Astronomia transstulit ex Arabica lingua in latinam, GIRIARDVS quidam Cremonensis non infoeliciter. Et hunc quidē autorem nō eō edidimus, q; per hoc Ptolemæum Pelusianū cōtemnamus, cuius ille scripta nōnunq; impugnat, sed ut ex mutua huiuscmodi collatione ueritas magis enitescat, simulq; Arabs hic autor utiq; nec ignobilis neq; poenitēdus, aliquot iam seculis, pulueribus obsitus, offertur, tandem è tenebris in lucem perductus. Solent enim nonnunq; esse gratiora, quæ aliquandiu desiderata, paulò quidem serius, sed tamen uberiore cū fructu ueniunt in conspectum. Monumētum hoc quum iamdiu Celsitū dini tuæ dedicare uisum esset, cœpi ad extreūm de instrumenti forma cogitare, ubi cōmodum se nobis Amplitudinis tuæ obtulerūt insignia, iam olim summis honestissimæ familiæ laudib. uirtutibusq; ornatissima, ea quando suis lineamentis accommodate mihi prīmi mobilis instrumentum conficere uidebantur, cœpi paulatim rem considerare diligentius, si quomodo fieri posset, ut Amplissimi stemmatis insignia ad illā cœlestem planeq; pulcherrimā speculationem trāsferrem, nō dissimili exemplo ab eo, quo iam antea illustrissimi Principis Georgij Saxonum ducis, & nunc recens nobilissimi adolescētis lo. Guilielmi à Loubemberg insignia Astronomicis inuentis illustrauimus, ut sic quoq; commendatiōr esset nostro hoc seculo doctis & studiosis omnibus præclara illa scientia Astronomia, quam præter summōs laudes, maximis etiam honoribus præmīsōq; iam olim dignata est antiquitas, quando adhuc studijs & artibus bonis suis manebat honos. nanq; ut alia taceam exempla innumera, Beroſo ob Astronomiæ peritiam, & nonnullas futurarū rerum prædictiones statuam inaurata lingua insignem posuerunt Atheniensis in publico Gymnasio, ubi & loci & facti celebritate animi omnium ad diuturnum hoc studium amplectendum excitarentur. Hinc & ego in magnam spem adducor, ut credam non parum autoritatis accessurum & ueteri huic scriptori & nostris inuētis, ex Reuerendissimæ paternitatis tuæ Celsitudine, Certe studiosi omnes legent libentius, & obseruabunt attentius, propter Amplitudinis tuæ insignia. Certe nosip̄si gaudebimus seriō talem nobis inuentū patronum, qui lucubrationes nostras sub patrocinij sui tutela clementer sit re